



**Naalakkersuisut suliffeqarfittut innuttaasunik tapersersortarialinnik suliffissaqartitsisunik nalunaarsugaasut pillugit inatsisissatut siunnersuummik kingusinnerpaamik UKA2019-mi saqqummeeqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Peter Olsen, Inuit Ataqtigiit)

(Siullermeerinnineq)

Naluneqanngitsutut Demokraatiniit naminersortut tatigisuuagut upperalugillu, kissaatigisuuarpullu pisortat akuliuttannginnissat qanoq niuertarfimminnik ingerlatsissanersut, namminersortut inuussutissarsiortullu inatsisunik atuuttunik malinnikkallartillugit. Isumaqarpugut namminersortutik suliffiutillit sapinngisamik pitsaanerpaanik sinaakkuteqartinneqassasut aammalu sapinngisamik annerpaamik kiffaanngissuseqartinneqassasut ingerlalluarnissaminnut aningaasasiorsiorluarnissaminnullu periarfissaqarluaqqullugit, pisortaniillu unammillerneqannginnissat pingaartilluinnartuuput.

Sullivik namminersortoq aningaasarsiorsiorluarpat inuiaqatigiit tamarmik iluaquserneqassapput, isertitat amerlanersaat sullivimmut aningaasaliissutigeqqinneqartarmata, tamatumalu kingunerisarpa, suliffiit sulliviillu nutaat pilersinneqartarnerat kinguneranillu inuiaqatigiit aningaasarsiorsiornerat siuariartarluni pissutaalluni akileraarutit amerlisarmata inunnullu isumaginninnermut, socialertunut aningaasartuutit ikinnerusarlutik.

Allatut oqaatigalugu suliffeqarfiit namminersortut pingaaruteqarlunnarput inuiaqatigiittut ineriartornissatsinnut siuartornissatsinnullu, tassa imaappoq sulliviit namminersortut iluatsitsisarpa, aningaasassaqaartuassaagut atugarissaarnissamut ineriartornissamullu.

Suliffeqarfinni namminersortuni nalinginnaasuni suliffeqarfimmik piginnittoq aamma/imaluunniit piginneqataasut iluanaaruteqartarput, ingerlalluortoqartillugu, tamanna nalinginnaavoq, aamma iluanaaruteqanngikkaanni ilaa sooq ingerlatsisoqassava? Uagut tamanna naapertuuttut isigaarput, namminersortut sapiissuseqartarmata aningaasaliinissaminnut, naak aningaasaliissutitik annaasinnaagaluarlugit.

Uani siunnersuummi pineqarput suliffeqarfiit "nutaaliaq" namminersortut, taamak taasinnaagaanni, tassa suliffeqarfiit innuttaasunik tapersersortarialinnik suliffissaqartitsisartut. Tassani namminersorluni suliffiutillip piginnittuminut piginneqataasunulluunniit iluanaaruteqartitsinissaq siunertarineq ajorpaat, aningaasarsiortarlunili innuttaasunik tapersersortarialinnik suliffissaqartitsinissaq pillugu ingerlasuusarput. Demokraatiniit eqqarsaat soqutiginarutut isigaarput peqataanilli erseqqissarusupparput, qaquguluunniit akuerinaviannnginnatsigu imaalissagaluarpat suliffeqarfiit innuttaasunik tapersersortarialinnik suliffissaqartitsisartut unammillernissaminnut iluaquserneqartassasut imaluunniit allatigut sullivinnut



nalignnaasunut naleqqiullutik ikorfartorneqartalissappata, suliffeqarfiup innuttaasunik tapersersortarialinnik suliffissaqartitsisarnera pissutiginnarlugu.

Suliffeqarfiit innuttaasunik tapersersortarialinnik suliffissaqartitsisartut unammilleqatigiinnermi tunngaviit malippatigit allanullu kiffaanngissuseqarluni unammilleqataasinnaappata, ajoqutissaqartinngilarput suliffeqarfiit taamaattut piusinnaanissaat. Ingerlaannarli naqissusissavarput akuerinaviannnginnatsigu pisortat sullivinnut taamaattunut piginnittuussappata imaluunniit piginneqataassappata. Suut tamarmik unammilleqatigiinnermi tunngaviit malillugit ingerlasariaqarput pisortat tapiissutaannik isumalluuteqaratik.

Allatut oqaatigalugu, pisortat akuleruffigissanngilaat suliffeqarfiit sinneqartoorutaat sumut atorneqassanersut imaluunniit aningaasaliissutigineqassanersut, taamaattumik aporfissaqartinngilarput sulliviup sinneqartoorutini innuttaasunik tapersersortarialinnik suliffissaqartitsinissaminut atussappagit.

Oqaatigisinnaavara nammineerlunga Grennesminde innuttaasunik tapersersortarialinnut suliffeqarfiusoq alakkarnikuugakku – takusinnaaqaara siunertaa, aammalu ilaatigut Greenesminde Kommuneqarfik Sermersooq peqatigalugu innuttaasunik tapersersortarialinnik suliffeqarfimmik pilersitsinissaq nunatsinni aajunaraaangorpoq, pissanganaqaarlu malinnaaffigalugu takusinnaallugulu Kommunit nammineerlutit iliuuseqartarmata isumassarsiorlutillu Inatsisartut utaqqiinnarnagit.

Malugaarput Naalakkersuisut allannguutissamik siunnersuuteqarsimasut piffissaq eqqarsaatigalugu siunnersuutigineqaqqaartumut naleqqiullugu pivusorsiornerusumik. Taperserparput ataatsimiititaliap suliamik aallussinermi Naalakkersuisut allannguutissatut siunnersuutaat kisiat suliarissagaat.

Siunnersuut suliareqqitassanngorlugulu Inuutissarsiornermut Ataatsimiititaliamut innersuupparput.